

MUNDUKO SAGARDO IBILBIDEAK


Mundu osoko sagardoari lotutako helmuga turistikoaren berri ematen duen mapa osatu du Sagardoaren Lurraldeak.

Sagardoaren Lurraldeak Euskal Herria munduko sagardo turismoaren mapan kokatu nahi du. Xede horri jarraituta, 2017an hainbat lan egin ditu, besteak beste, nazioarteko hedabideetan eta sareetan komunikazioa indartzea eta atzerriko publikoari begirako esperientziak sortzea. Dena den, gauzatutako jarduera nabarmenera izan da azaro amaieran Orona Ideori (Hernani) egindako Sagardo Forum nazioarteko topaketa, eta haren barruan egindako Nazioarteko Sagardo Txa pelketa antolatzea.

Bi norabideko helburua da hori, ordea. Hemen goaren berri kanpoan ematez gain, Sagardoaren Lurraldeak Euskal Herria zabaldu nahi baitu gainerako herrialdeetako sagardoaren kultura eta turismo esperientzien eskaintza. Izan ere, sagardoaren kontsumoa ez ezik, haren inguruko turismoa ere nabarmen indartzen ari da azken urteotan mundu osoan.

Guztiak batean biltzeko asmoz, Joxe Mari Alberro Sagardoaren Lurraldeko zuzendariak Sagardo Forum jardunaldiaren aurkezten zuen nazioarteko sagardo turismoaren mapa. Hamaika tokitako sagardo helmugak bildu dituzte, baina nolabaiteko azpiegitura turistikoak garatu dutenak ardatz hartuta.


Lan ilde horri eutsiz, 2018. urterako helburu berri bat zehaztu dute: sagardo turismoaren inguruko nazioarteko sare bat osatzea. Dagoeneko eman dira hastapeneko pausoak, lehen kontaktuak eta bilerak eginez; eta datozen hilabeteetan bide horretan lanean jarraituko dute.



Austriako Apfelstrasse ibilbidean ikus daitekeen paisaia bat. APPELSTRASSE



AEBetako San Luis Obispo Cider Tour bidean dagoen ostatu bat. SAN LUIS OBISPO CIDER TOUR



Australiako Swan Valley Cider Trail
ibilbideko irudi bat. SWAN VALLEY CIDER TRAIL



Bretainiako Cornouaille ibilbidean dagoen
seinale bat. ROUTE DU CIDRE CORNOUAILLE

MAPAN JASOTAKO HELMUGAK

Ameriketako Estatu Batuak:

Ameriketako Estatu Batuetan sagardoaren zortzi ibilbide daude, ekialdean eta mendebaldean. Horien artean ezagunena, North East Cider Trail da, Apalatxeen bideari jarraituz osatutakoa; Mainetik Virginiara doa, hamahiru estatutan barrena. Badira beste ibilbide batzuk, hala nola George Cider Country And Trail, Hudson Valley Cider Route eta San Luis Obispo Cider Tour. Horiez gain, sagardogintza tradizio handia dago Indiana, Minnesota eta Michigan estatuetan. Horregatik, bertako Midwest Cider Trail eta Great Lakes Cider & Perry Association elkarteak ibilbide turistiko bat prestatzen ari dira.

Britainia Handia: Britainia Handian, berriz, bost dira nabarmendutako gunek. Horien artean ezagunenak dira Somerset eta Herefordshire. Lehenengoan, intereseko 16 gune zehaztuak dituzte tokiko sagar eta sagardo barrietate ugarien berri izateko. Bigarrenean, berriz, bizikleta txangoak egin daitezke landa eremuko ekoizleak ezagutzeko. Gainerakoak, Waveney Valley Cider Trail, Leicester Cider Trail eta Berkshire Cider Trail ibilbideak dira.

Australia: Hainbat helmuga dituen beste herrialde bat da. Lau dira, eta esanguratsuenak Tasmania Cider Trail da. Sagarraren uhartera delakoan, sagardoak duen loraldiari esker, modu tradizionalean edo berritzailean egindako sagardoa dasta daiteke iparraldeko eta hegoaldeko sagasti eremuetan. Beste helmugak Riverina, Yarra Valley eta Swan Valley dira.

Austria: Austrian bi dira ibilbideak: bata udare muztioari lotua, eta bestea, sagardoari. Mostviertel da Europa osoan madari gehien landatzen dituen eskualdea. Haag hiriko muztioaren museotik Amstettera doan bidean, muztioan berezitutako 29 taberna eta muztiorako udarea landatzen duten 24 nekazaritza ustiategi dau-

de. Bestalde, Apfelstrasse 25 bat kilometroko ibilbidea da, Puch sagarren heritik irtenda. Fruta freskoa, sagardoa, muztioa, brandyak eta sagarraren bestelako produktuak ikusiko ditu bisitariak.

Asturias: Sagardoarekin lotura estua du Asturiasek. La Comarca de la Sidra ibilbidea sagardoa komunean duten Bimenes, Cabranes, Colunga, Nava, Sariegu eta Villaviciosa udalek osatzen dute. Itsasotik mendira doan gunea, berriz, erakargarri turistikoak beteta dago. Halaber, aipagarria da Cabralesko gaztaren eta sagardoaren ibilbidea, etnografia eta gastronomia batzen dituena.

Alemania: The Viez Road nabarmentzen da. 150 kilometro dira Wallerfangemetik Konzera Saarlouis-Mosel-Gaun zonako sagastietan barrena.

Norvegia: Ulvik Apple and Cider Route ibilbidea dago, Lekve-Syse-Hakastad ardatzean daudeno hiru sagardogile eta esperientzia bilduz.

Normandia: La rute du Cidre dago. Pays d'Auge eskualdearen bihotzean, tokiko sagarra, sagardoa eta calvados brandyaren inguruko 40 kilometroko bidea da.

Bretainia: Cornouaille jatorri izen babestua duen sagardoaren inguruan doa la Route du Cidre du Cornouaille ibilbidea.

Argentina: Argentinako Ruta de la Sidra Patagonica herrialdean fruta gehien ekoizten duen eskualdean kokatzen da. Ekoizleak ezagutu eta sagardotegiez gozatzeko aukera ematen du.

Quebec: La Montregie sagardo ibilbidean, sagardoaren ekoizpenaren aniztasuna ezagutu eta izotzezko sagardoa dasta daiteke.

Euskal Herria: Euskal Herrian Sagardoaren Lurraldea elkarteak urteak daramatza sagardoaren kultura zabaltzen eta sagardoaren inguruko esperientzia turistikoak sustatzen, berai lantzen duten lurrei lotuta. Bestalde, Gipuzkoako Sagardogileen Elkarteak Sagardoa Route sagardotegien ibilbidea eskaintzen du.